

КОММУНИСТЛӨН КУЛӨМ БӨРЫН ОЛӨМЫС

*

Баллада

/Сьөлөмсянь сиа тайөс Нёбдинса
Витторлы - коми юмористлы /

«Межадорын кулөма өти коммунист - Давыдов Михайло Петрович. Сэсся пö öнi сийö ... повзьöдчö. Тов. Давыдов овлөма комиссияын, кодъяс петкөдлісны вичкоясысь зарни да эзысь тшыгъялысь йöзлы».

(«Югыз туй», №172, 1922).

Коркө, ёна висьом бөрын,
Гашкө, самöй сьöд вой шöрын,
Кулі Симö Петыр пи;
Кулі ачыс - йöз эз ви.
Сийö пыр жö мөдіс райö...
Зэв кузь поскöд вывлань кайö...
Коркө-й послөн воис пом,
Воис райлөн гажа дом!
Сэні кильчö калич помын -
Ыджыз, ыджыз колькъя томан:
Пырны водзö дзик оз позь -
Сэні абу весиг розь.
Коркөй воис Петыр Павел,
Шуис: «Ак, тэ, Мишка, дявöл!
Тэ кө вöлін коммунист -
Тэнад душаыд - нечист!..
Тэныд райын оз позь овны,-
Менам гöтыр кутас повны...
Тэнад грека лолыз пеж...
Öдзöс шöрсъыс вешйы! Кеж!»...

Миша весиг кыв-мӧд шуны
Эз и вермы, лои мунны;
Эз и аддзыв ӧдзӧс сай,
Кутшӧм сэннi гажа рай,
Мӧдiс бӧрлань. Сэн неылын,
Райӧ каян кузь пос вылын
Паныд лои тӧдса морт,
Мышкас сылӧн сьвятӧй борд.
Мишка шуис: «Тэ, Великӧй!..
Ме ӧд дзикӧдз вои пикӧ...
Менам делӧ лои дзуг...
Кыдзкӧ мезды, Сьтёпа друг!
Нэм чӧж гӧлькӧд ӧтув овлі,-
Найӧ пемыдысь эг повлы...
Кыдзкӧ инды меным туй...
Тэ ӧд верман... Райӧ суй!..»
Сэк Сьтепан Великӧй шоча
Шуӧ Симӧ Мишлы воча:
«Ак тэ, вӧрса, большевик!..
Лысьтан вежны сьвятӧй лик?!
Тэ и тшыг йӧз дорыс олін?
Сідзкӧ, тэ и коркӧ волін
Кульны менсьым эзысь пась?..
Бур кӧ колӧ - весась тась!..
Тшыгъялысьӧс вокӧн лыддян...
Налы тэ и гачӧс мырддян!..
Кутшӧм, зонмӧ, зырымбедь...
Райӧ лэдзӧм пыдди - плеть!
Локтӧма зон ... другӧ висьтав...
Босьта да со пиньтӧ кисьта!..
Кытчӧдз ризі бӧр он сет,
Сэтчӧдз...тю...тю...Пет вай! Пет!»
Сэсянь Мишка мӧдiс адӧ.
Мунӧ дыр нин, мунӧ рада,
Гашкӧ, дінас босьтас чӧрт:
Лоӧ шоныд... Сэн сир пӧрт...

Коркө-й воис өдзөс дорө,
Кутіс гольөдчыны гора...
Воссис өдзөс, зиль да зель...
Петіс дядьө, дзик съөд-смоль.
Мишка пырис. Мөдіс водзө...
Регыд воис Ыджыд водзө...
Сэні Гурей Васька эм,
Юда ордысь удждө съөм...
Шуис Ыджыд: «Кывзы, Мишка,
Адын йөзыс сідз нин лишка...
Коммунистысь оз ло бур:
Регыд чеган менсьым сюр...
Со өд шызыны кутіс татөн, -
Революция нин матын...
Кытысь локтін - мун жө бөр -
Адын овны тэ он төр!».

Райысь вөтліс Петыр Павел,
Ыстіс адысь сюра дявөл;
Мишка некытчө эз ин...
Зонмө коммунистлөн чин!
Мөдіс бөрлань Межадорө,
Кыті вөрөд, кыті шорөд...
Со и вуджис Сыктыв ю...
Воис аслас съвежөй гу...
Кутіс овны гуыс вылын,-
Мунны гортөдз абу ылын.
Кутіс Грездө мунны пыр;
Мукөд дырйи ветлас дыр...
Өтчыд Öдя Морозова
Мунө рытын Куликовө.
Тувччас вөлі воськов дас, -
Пыр и вөчас пернапас...
Симө Мишка вөлі тешкодь,
Полөм делө сылы веськодь...

Дерт, өд сійө вöлі зон...
Тупыльччас да - лоö пон...
Öдя, кыдзи вермö, пышйö,
Пон водзвылын гортлань пызйö...
Рыныш бердö зургис плеш...
Пернапасыд вöчис теш!
Öтчыд бара Улля Öдя
Гуяс дорöд мунö беддя...
Мишка нявзö, быттьö кань, -
(Сідзи дурліс важысянь) ...
Öдя повзис, - «дай бог ноги!»
Öдйö-й пызйис, лети-воли...
Ёна повзис Öдя тьöt, -
Мöдысь öткөн оз нин пет.
Öтчыд рытын, «Сör-горт» туйöd
Ларö Прокор кыскö куйöd.
Мишка сэтшöминад сюсь...
Прöста овны рытыд кузь...
Мыйөн Мишка паныд петіс,
Прокор вöвлы плетьөн сетіс.
Сэтчö пöри куйöd додь...
Ачыс, дерт нин, повзис кодь.

Сідзи Симö Мишка олö,
Войнад уналаö волö...
Дзикöдз нин пö воши лад -
Полысь йöзлы ыджыд мат.
Со öд, коммунистлы дзугыд:
Весиг пöдса мöдар югыд...
Збыль сідз, абу - ме ог тöд...
Гашкö-й, бабаяслөн вöt.

* Медводдзаысь печатайтöма 1925 воын.

Коми му. – 1925. - № 6-7 (16-17). – С.
45-47.